

不空罽索心呪王經卷上中

男二

唐天后代天竺三藏寶思惟譯

南謨囉哆那怛囉夜耶 南謨阿利耶阿弭

唆婆耶 怛他孽多耶 南謨阿唎耶

跋嚧吉帝 失梭囉耶 菩地薩埵耶

摩訶薩埵耶 摩訶迦嚧尼迦耶 怛跌他

唵 阿慕伽 鉢囉底喝多 鉢鉢吽吽

娑婆訶

如是所說不空陀羅尼自在王呪即是一切
秘密神呪之主若有人能誦此神呪成就之
者即能通達一切神呪但是呪法所有事業
皆得圓滿

成就尊者說不空神呪功德分第一

爾時聖觀自在菩薩摩訶薩復說不空罽索
神呪王法若成就者福不唐捐能令無量無
邊諸衆生界一切業障悉皆清淨能集無量
福德資糧增長善根方便善巧通達無邊智
慧境界六波羅蜜多皆得圓滿復能證得無

上菩提四無所畏十八不共一切佛法及四
聖諦神足根力菩提分法復能示現靜慮解
脫諸三摩地三摩鉢底復能證得聲聞辟支
佛及如來地成就般若聰慧利根有大威德
精進勢力具足辯才騰空隱形爲斫羯囉伐
賴底曷囉闍一切自在能成呪仙獲世安樂

得吉祥瓶及如意珠隨應所作一切皆得駢
策使者進退無違令羅刹娑隨意而轉復能
入於阿素洛窟或燒衆香或置藥眼中能見
地下一切伏藏所爲事業自在成就療治衆
病調伏鬼神守護壇場令諸龍王歡喜悅樂
降雨止雨皆得自在復能於彼一切人中而
得自在能令一切衆罪厄難悉皆銷滅資財
寶物所求皆得復能成就無邊陀羅尼門及
三摩地門此大不空罽索神呪之法於諸呪
中功德最上殊勝廣大能令一切天龍藥叉
健闍縛阿素洛揭路荼緊捺洛莫呼洛伽諸
部多鬼一切餓鬼畢舍遮拘畔荼羅刹娑星

宿鬼障礙鬼等承事供養尊重讚歎復為帝釋諸梵王等之所擁護復為一切成呪仙者其所慶慰復為常離一切散亂無所著者之所承習受持所說供養恭敬尊重讚歎成就受持供養神呪法分第二

爾時聖觀自在菩薩摩訶薩復說神呪之法

男二

二

翁

若有欲誦此神呪時應先洗浴著新淨衣潔淨誦呪受菩薩戒起慈悲心哀愍眾生意樂作真實語遠離嫉妬利益安樂一切有情真心淨信愛樂功德捨離貪愛瞋恚愚癡憶念三寶期心報恩應廣供養聖觀自在菩薩摩訶薩燒香散華塗香末香莊嚴幢幡及諸華

蓋於尊者前一心淨信意樂堅固應誦聖者不空罽索心神呪王一百八遍即入不空陀羅尼三摩地門作蓮華印禁出入息默然而住由是此人所應作事皆得具足即於夢中得見聖觀自在菩薩或現苾芻形或現婆羅門形或現童子形或現帝王形或現宰官形

讚誦呪人作如是言善哉丈夫汝能受持我之所說汝所愛樂皆得圓滿汝今持呪心何所欲隨意求索能令汝願速得成就由是得滅一切業障永不墮於地獄畜生常生一切諸善趣中般若現前辯才無滯增長正念諸天隨順而為伴侶所作自在無有障礙具大

威神復能持呪隨心所欲不為一切怨賊侵奪賢聖讚歎常為國王大臣婆羅門居士等之所敬重一切眾生之所愛樂供養恭敬承事禮拜善言讚嘆常與一切驚怖之者依歸依處能得一切善人腹心若有常誦此神呪者三業惡障皆悉銷滅若誦一遍所須飲食

男二

三

翁

卧具湯藥衣服什物無所乏少安樂無病長壽自在

成就親見聖觀自在菩薩法分第三

若人欲得親見聖觀自在菩薩應往寂靜山寺塔廟之中或園林河邊深山巖谷阿蘭若處著新淨衣持八戒齋受菩薩戒三業清淨

入三摩地修四梵行無所恪惜於諸持戒福德人邊常求歡喜然後於聖觀自在菩薩像前受其呪法既受法已即便於彼清淨之處吉祥草上結跏趺坐應誦不空羅索心呪一心不動若晝若夜不驚不怖乃至忽聞虛空之中有虎嘯聲亦不驚怖若見聞空中諸天

音樂歌舞唱伎不應驚異或見天雨曼陀羅華摩訶曼陀羅華鉢特摩華盟鉢羅華俱沒陀華奔荼利華等亦不驚怪是時聖觀自在菩薩至其人前唱言善哉善哉汝能如是供養於我誦持神呪何所求耶其誦呪人即從坐起於尊者前燒香散華水和粳米及諸雜

華供養聖觀自在菩薩右遶三市頭面禮足菩薩爾時隨其意樂悉皆與之

成就畫像幀法分第四

爾時尊者說畫幀法及成就呪法若畫聖觀自在菩薩形像之時應織綃毼隨其長短不截兩頭所用彩色和以香膠勿取餘膠畫師

先受八戒齋法然後方畫聖觀自在菩薩形像其身黃白首戴華冠紺髮分披兩肩前後慈顏和悅放百千光清淨殊勝面有三日以純白綫交絡肩臆以盪泥耶鹿王皮而覆肩上莊飾寶帶以繫其腰尊者四臂左邊上手執持蓮華下手執持澡瓶右邊上手施無畏

下手執數珠皆以珠寶而嚴飾之身著天衣立蓮華上有大威德瓔珞短長交臂垂下耳璫臂印及以環釧皆寶飾之頂上畫作無量壽佛於其幀內畫種種華若欲作壇於春秋時白月八日或十五日吉祥星下選擇好時無風無雲即於城外擇取好處隨其方地有

男二

四

翁

諸樹木根莖枝葉華果茂盛條蔓交加周遍皆有流泉浴池處處青草皆悉充遍應用黃土為泥塗地種種修理盡令如法不於荆棘瓦礫骨石諸惡土地其壇四面以金精赤土雄黃石灰及紫金色青黃赤白及以紫色畫其界道於壇方面各開一門門外各有二吉

祥柱於其壇內應畫螺形萬字香印門內各有二吉祥瓶隨其處所應作浴池池內周遍盪鉢羅華俱沒頭華奔荼利迦華於池四邊應畫鵝形如貫華鬘周巾圍遶應置像幘壇場之內散種種華燒種種香幢幡寶蓋而供養之或用金銀諸寶及以赤銅作吉祥瓶盛滿一切諸妙香藥末尼真珠金銀等寶和雜盛之以雜華繩繫其瓶項取燒稻穀作華散以嚴飾壇上應以白綬覆之於壇四角各立一人身被甲仗而守護之是時呪師每日三時洗浴清潔著新淨衣三業清淨受持律儀於聖觀自在菩薩像前應以乳糜酥酪沙糖

石蜜盛滿器中而供養之後以栴檀沉水蘇合龍腦如是等香和雜燒之而為供養於像幘前敷吉祥草結跏趺坐作蓮華印安心合掌敬禮一切諸佛菩薩即誦護身呪呪曰

第二護身呪
唵 阿慕伽 鉢囉底訶多囉叉囉叉鉅 稱

男二

五

鉢泮吒

若欲護身時取自髮一莖應以此呪呪二十一遍常護自身無能損害

呪鬼神呪第三呪

唵 阿慕伽 漫陀 鉢泮 泮吒

若呪鬼神先誦此呪呪五色綫一百八遍繫

壇四面然後呪水一百八遍或呪芥子或呪

淨灰隨四方面壇內散之即令一切惡鬼神

等無能惱亂

禁惡鬼呪第四呪

唵 阿慕伽 鉢囉底訶多 唵鉢泮吒

若禁惡鬼應誦此呪呪水一百八遍或呪白

芥子或呪淨灰隨四方面壇外散之令諸惡

鬼不得其便

禁惡魔呪第五呪

唵 阿慕伽 帝嚧路枳耶 毗闍耶

俱嚧磨鉢泮吒

若呪魔時應誦此呪呪水一百八遍或白芥

子取呪淨灰於其壇外散灑十方即禁諸惡魔不能燒亂

禁諸惡魔鬼呪第六呪

唵 阿慕伽 羅叉白稱娑婆訶

若欲禁諸惡魔鬼時應以此呪呪水一百八遍或白芥子及呪淨灰點自頂上額上心上

及兩肩上遍灑其身即令一切惡鬼惡魔不能惱亂

呪同伴人呪第七呪

唵 阿慕伽 鉢佉

若欲呪同伴人時應誦此呪呪水一百八遍或白芥子及呪淨灰於其壇內散灑同伴即

護彼人惡魔惡眾無能惱亂

呪香呪第八呪

唵 阿慕伽 淡磨淡磨 鉢泮吒

若燒香時先以此呪呪種種香二十一遍然後燒香恭敬供養

呪飲食及華果呪第九呪

男二

六

唵 阿慕伽 起醯唎傳 起醯唎傳 鉢泮吒

若以飲食及華果等欲散之時先誦此呪呪一百八遍然後於其壇外隨四方面而遍散之隨作事成就呪第十呪

唵 阿慕伽 毗閣耶 鉢泮吒

隨作何事若誦此呪悉皆成就

世尊能持呪者作是法已於其壇內應誦不空陀羅尼自在王呪若見聖觀自在菩薩像幘動時或烟出時或焰出時如常誦呪不應驚怖若見旗動得富貴自在若見烟出成就喝囉闍位若見焰出騰空自在得成呪仙其誦呪者若見焰出心無驚怖身不動搖即得聖觀自在菩薩現其人前而安慰之其人見已所求皆遂即得菩薩諸三摩地於阿耨多羅三藐三菩提得不退轉現身憶念宿世生事及得無量百千功德成就使者能辦事法分第五

爾時聖觀自在菩薩復說使者能辦事法此
之使者即是聖觀自在菩薩不空罽索王神
呪之使若欲馳使應以綵色及氎布幘上畫
使者形又作藥叉童子像頭髮直豎如盛火
焰面目瞋怒綠眼平鼻形貌赤色身服赤衣
口出四牙二上二下其舌於口或入或出一

男二

七

身

手持劔一手執索嚴身之具皆悉周備欲作
法時於白月八日或十四日持齋潔淨安置
幘像四衢道中或空室內應以華香及諸飲
食除血肉等種種供養其持呪者先應誦呪
自防護身於氎幘前誦不空王呪一百八遍
是時使者現其人前語持呪者言欲何所須

若見處分皆能成辦其持呪者隨心所欲使
者依行于時使者隨所見聞悉皆具說若持
呪人日索金錢百文應時即得然不應別用
及生憍惜但應供養佛法僧寶如是之事但
當自知不得輒向人說之亦復不得共人結
怨應食淨食不得雜食每食之時先滅已身

一分飲食供養使者然後自食常須憶念不
得忘之心常捨離貪瞋癡等不得妄語出誠
諦言為他說法於一切衆生常起饒益慈悲
之心復以香華衣服幢幡寶蓋塗香末香燒
香散華恒常供養聖觀自在菩薩作報恩心
若能如是即彼使者日日供承得五百人所
須資具飲食衣服塗香末香燒香散華一切
具足乃至持呪之者盡形已來隨意皆得無
所之少

成就驅策僮僕使者分第六

爾時聖觀自在菩薩復作是言若欲成就驅
策僮僕其持呪者應先造作僮僕者形而此
使者即是不空罽索王神呪之僮僕容貌端
正當以一切莊飾之具而嚴其身於其頭上
作五髮髻身之色相猶如童子若欲作時應
用白檀或用紫檀或妙香檀或用天木或一
切木若金若銀以作其形若畫幘時或白氎
上或於絹上其僮僕者所有衣服皆作赤色

以烟脂和紫礦汁又取朱砂及以鬱金若根若香諸雜色等畫其形相應使端嚴面目喜悅熙怡微笑其身形相淺黃白色應作兩臂一手執菴摩羅果一手持種種華其像常於密處安置散華燒香末香塗香然燈種種飲食而為供養又於像前誦不空羅索王呪一

男二

八

千八遍其持呪者應受八戒起慈悲心呪法即成即能覩見彼使者形駢榮自在此持呪者所有處分皆得成辦然其使者若耳所聞若眼所見皆來說向持呪之人隨持呪者使令去處能速往來一切事業皆得成就又能施與持呪之者一切財寶隨持呪人心欲去處其使者即將去來於持呪者住止之處常淨掃灑若泥塗地所有一切隱密之事及吉祥事皆來向說一切惡聲一切苦惱悉皆銷滅一切病患能令除愈諸惡鬼神皆自隱沒諸毒銷散歡樂圓滿一切福業皆得增長一切罪行悉能除滅猶如孝子恭敬供養尊重

其父彼持呪人若欲自身安隱快樂不得於彼使者輕欺作惡及懷瞋怒應淨洗浴常勤誦呪而修供養口不妄言其心哀愍一切眾生施與無畏於三寶所起深淨信常散諸華及懸華鬘燒香末香以如是等供養尊者聖觀自在菩薩又先以種種飲食散華燒香然

燈供養使者乃至不得於一日中忘不供養若不供養求事不成若其使者隱沒不現即便捨去是故持呪之人不應放逸常修精進不應懈怠於尊重處常勤供養恒不忘失菩提之心於施戒忍精進定慧應常修習遠離慳吝汙戒塵垢於生死中常生怖畏深懷慚

男二

九

翁

愧心常正念不得散亂智慧觀察若如是作即能成辦一切呪業成就吉祥瓶法分第七爾時聖觀自在菩薩復說成就吉祥瓶法持呪之人若欲成就法者應結同伴並修十善至心堅固欲作壇時應選好處若山林地吉

祥之所或是往昔仙人所住寂靜之處如法
 修理洗浴清淨俱著新衣唯食麥子及以乳
 糜受八戒齋與同伴人持呪自護隨心遠近
 作四方壇面各一門香泥塗地以香畫葉應
 用雄黃赤上紫檀等末而界其道於其壇內
 隨四方面應畫四大天王以諸寶物莊嚴其
 身皆被甲仗手執刀劍其壇東面應畫金剛
 南面刀劍西面畫楛北面畫鑊於其四角畫
 赤色旛散種種華於壇場中以諸彩色畫吉
 祥瓶用雜華鬘以繫瓶項取蓮華池水盛滿
 瓶中復以香華妙藥并諸雜果一切種子及
 以金銀真珠等寶並置瓶內復以四盤一盤
 盛酪一盤盛酥一盤盛乳一盤盛密於瓶四
 面各置一盤其持呪者須伴五人勇健無畏
 皆嚴器仗於其四方各立一人於五人中得
 心腹者簡取一人與持呪者隣近而住五人
 之外更取一人勇猛無畏能為難事者令洗
 浴清淨著新淨衣其持呪人於壇四方散種

種飲食除血肉等於吉祥瓶前取吉祥草敷
 座而坐應當呪水及以粳米灑散十方燒香
 散華如法結界呪曰

第十一呪

唵 阿慕 伽播奢鉢囉底訶多帝囉嚕枳
 耶微闍耶 囉 自稱 鉢鉢泮吒

此呪呪自身及與同伴如是呪已應作大印
 誦聖觀自在菩薩不空羅索心神呪王若一
 日二日誦此呪時若有毗那夜迦鬼來故相
 驚怖而作障礙其持呪人應起勇猛勿生驚
 懼如常誦呪心莫散亂後於壇南面聞羅刹
 娑可畏之聲其誦呪人呪白芥子七遍散之
另二 十

諸羅刹娑尋即退散不能障礙南西北方亦
 復如是

呪吉祥瓶呪第十二呪

唵 阿慕伽 阿波囉耳多 訶曩 訶曩
 鉢泮吒

此呪呪吉祥瓶呪瓶之時瓶現異相或傾

或側或動或搖呪人見已如常誦呪不應驚怖亦不解其結跏趺坐何以故以吉祥瓶如末尼珠隨心所欲一切皆得要當策勵加功方得成就此吉祥瓶有大威力甚難成就若得成者自在安樂增長福業由是呪人常勤精進不應空過恣諸放逸若吉祥瓶中出火

日焰或出金銀末尼真珠瓔珞諸寶色相或時出現種種衣服復現諸天美妙姝女及諸殊勝童男童女或丈夫形嚴淨裝飾或復示現城邑聚落及諸巷陌象馬車乘一切人眾宮殿園林美妙飲食香花幡蓋諸音樂等雖見如是種種異相如常誦呪不應驚起其時

聖觀自在菩薩復變自身現作普賢菩薩形像無量菩薩眷屬前後圍遶從彼瓶中忽然出現聖觀自在菩薩現此相時如上所現一切神變種種異相悉皆隱沒唯有尊者現作普賢菩薩形像與無量菩薩皆共讚彼持呪人言善哉善哉汝能成就此神呪法隨汝所

男二

十一

求皆當與汝呪人間已即從座起合掌恭敬右遶尊者頂禮供養而作是言唯願尊者當攝受我施吉祥瓶聖觀自在菩薩所現普賢菩薩言善男子汝之所求我今施汝隨意受用呪人取得吉祥瓶已置於頂上復以香華種種供養從吉祥瓶而乞願言南謨尊者願

隨我意樂一切事業悉皆圓滿其持呪人作此願已及諸同伴隨心去處皆得如意時吉祥瓶變現其體如淨琉璃為持呪人等現作童子常能承事恭敬供養

成就策使羅刹童子分第八

爾時聖觀自在菩薩復說策使羅刹童子之法若欲使時其持呪者應先畫作羅刹童子色相形容如童子像以一切莊具嚴飾其身於頭之上為五髮髻面狀喜悅身相端嚴衣服黃色如乘空行手執蓮華其體金色如是畫已安置密處若佛堂中若在房內於白月八日或十四日持八戒齋於像幀前散華燒

香末香塗香懸諸華鬘及種種飲食而爲供養於其像前結跏趺坐誦不空羅索心神咒王一百八遍現前即見羅刹童子隨持咒人有所希願皆令滿足其持咒者語童子言汝今作我驅策使者童子答言如是如是我當策勵承事供養隨汝駟使皆令速疾而得成

辦不生疲狀其持咒人常應勤心供養童子形像不作輕欺若欲食時先與童子不得遺忘若能如是驅使自在所須財物皆能與之亦復示其伏藏之處隨持咒人所須莊具及與資財皆爲將來無所乏少而此童子若眼所見若耳所聞皆來密向持咒之人耳邊而說令持咒者憶念宿世所有生事若持咒人問童子過去未來現在之事皆依實答終無虛妄

成就使死屍取伏藏分第九

爾時聖觀自在菩薩說取伏藏之法若有欲取地中伏藏其持咒人先當誦咒防自身已

男二

十二

即往塚間取丈夫屍身形之上無瘡癰者應與洗浴洗浴屍已即取香華塗其兩足而供養之而便誦咒屍令起作如是言尊師今者與我何事彼屍即從索紙筆墨其持咒人即賣紙等而與死屍彼屍即如法抄寫取伏藏珍寶之法與持咒人若持咒人不用抄寫即語屍言汝應爲我自取將來其屍如言即爲將來所得珍寶應如法受用供養三寶及將施與一切衆生而此死屍隨持咒人所得珍寶若受用盡即便送來若不施三寶及一切沙門婆羅門貧窮衆生即便不送若持咒人自身不欲至於墓中又復不欲令彼屍起若自能知伏藏之處應往彼取若夜中取應將同伴受樂功德同心同行深怖罪業善解經論聰慧之者先作吉祥禁身咒已即以酥膏塗布爲燭誦不空羅索心神咒王一百八遍用捨_詩可彌木然大火聚發弘誓願令一切衆生永斷貧窮苦惱等事即以酥燭擲向

空中隨有廣大伏藏之處其燭即於伏藏之上空中而下隨其寶物入地深淺所有尺數其燭依此尺數空中而住待持呪人來至藏所明了知處結界圍之其燭方滅知伏藏已後若取時應以乳糜及油麻粥以祭天神如是祭已共其同伴而往取之取得珍寶分爲

男二

十三

第

三分一分自爲己身一分與其同伴一分共同伴和順供養三寶又以自身所得一分與一切衆生之所共用若能如是自身一分乃至持呪之人命未盡期用之無盡

成就入娑女室分第十

爾時聖觀自在菩薩復說成就入娑女室法

若持呪人欲入此室應將同伴腹心之者先當具足作吉祥法以呪自身然後往至其室其室可愛常有流泉浴池及諸華菓種種樂具世間皆以此室是靈仙處若欲入時其持呪人當於白月十五日持八戒齋澡浴清潔著白淨衣然後往至泉水出處應以稻粟大

麥小麥大豆小豆及胡麻等七種之穀和乳酪酥誦不空羅索心神呪王每一遍常以此穀散於火中要使此室其門自開持呪之人見室門開不應驚怖不得輒起應專誦呪若有娑女各各執持種種華香從室而出語呪人言善來尊者唯願受我如是香華其持

呪者不應輒受乃至三請持呪之人作如是言善來姊妹若爲攝受我等故來願持此香華與我同伴其同伴人觀此娑女隨所愛者即便執手取以爲妻而此娑女知其人心所愛重故猶如婢使而承事之此同伴人隨欲去處任情來往其形色相少如童子遊戲受

用五塵境界若捨人身即得天身成就呪仙其持呪者如是誦呪乃至更有勝妙娑女五百眷屬從室而來執持種種衣服莊具及諸香華頂禮呪人作如是言善哉聖者爲欲攝受哀愍我故久來在此唯願領受此衣服等至三請已其持呪人爲欲調伏諸呪仙故應

受其請隨所受已持咒之人及諸姝女便沒
不現成就咒仙轉輪王位若捨人身得於天
身一切咒仙皆來恭敬頂禮其足稱讚吉祥
願常住世奏種種音樂作諸歌舞建立百千
寶幢幡蓋歡樂具足其持咒人自在受用天
王果報其心安樂然常念佛終不忘失菩薩

男二

古

之行得宿命智超過一切諸惡趣門亦不耽
著五塵境界恒常得見諸佛菩薩而能教化
無量有情於無上菩提道中入不空智諸陀
羅尼三摩地門
不空羅索心咒王經卷上

不空羅索心咒王經卷中

唐天后代天立三藏寶思惟譯

成就眼藥分第十一

爾時聖觀自在菩薩復說成就眼藥方法其
持咒人若欲成就此法之者應以雄黃牛黃
及蘇毗羅眼藥於香葉中裏此三種於白月

十五日沐浴清淨著新淨衣受持八戒廣大
供養聖觀自在菩薩已於尊者前結跏趺坐
先念佛已後誦不空羅索心王神咒一百八
遍其持咒人先應入彼火遍處定待彼葉中
煙出即以泥塗壇而取眼藥置於菩提樹葉
之內若火星焰出燒練此藥其持咒人即知

所作眼藥成就應咒芥子等散於十方及誦
咒自護己身欲取藥時先誦此咒咒曰

第十三咒

唵 阿慕伽 鉢羅底訶多 鉢什筏囉什

筏囉泮吒 娑婆訶

誦此咒已即取眼藥石上研之使其為末安

男二

古

解

著眼中即令餘人不得見於誦咒之者復身
能自見一切伏藏所欲往處隨其意樂或入
或出復能自見一切菩薩天龍藥叉健達縛
等及見一切衆生若在天趣或那落迦中傍
生餓鬼若沒若生悉能見之若諸衆生作福
作罪悉皆能見於一切處常得自在作諸供